



**Innkalling
for
Formannskapet i Radøy**

Møtedato: 09.11.2017
Møtestad: Kommunestyresalen
Møtetid: 09.00

Saksliste:

| Saksnr | Tittel |
|----------|--|
| 068/2017 | Fornyning av samarbeidsavtale med Radøy idrettsråd |
| 069/2017 | Innkjøpsavtale med Aufera AS |
| 070/2017 | Budsjett 2018 og økonomiplan 2018-21 |
| 071/2017 | Meldingar og referatsaker |

Den som har lovleg forfall eller er ugild i nokon av sakene må melda i frå til kultur- og sørvistorget så snart som råd, tlf 56 34 90 00. Varamedlemmer møter etter nærare innkalling.

20. november 2017

Jon Askeland
møteleiar

Arthur Kleiveland
utvalssektretær

Radøy kommune

Saksframlegg

| Saknr | Utval | Type | Dato |
|----------|-----------------------|------|------------|
| 068/2017 | Formannskapet i Radøy | PS | 09.11.2017 |
| | Kommunestyret i Radøy | PS | |

| Sakshandsamar | Arkivsaknr.: | Dokumentnr.: |
|------------------------|--------------|--------------|
| Bente Kopperdal Hervik | 17/1103 | 17/12950 |

Fornyng av samarbeidsavtale med Radøy idrettsråd

Saksopplysingar:

Bakgrunn

Radøy kommune og Radøy idrettsråd underteikna samarbeidsavtale 24. mars 2011. Etter initiativ frå Radøy idrettsråd vert revidert forslag til samarbeidsavtale lagt fram for politisk handsaming.

Vurdering

Samarbeidsavtalen som vart underteikna har fungert som eit godt og forpliktande grunnlag for samarbeidet mellom Radøy kommune og Radøy idrettsråd. Administrasjonen i Radøy kommune og idrettsrådet har også utarbeidd eit årshjul som set samarbeidet, slik det er nedfelt i avtalen, inn i faste rammer.

Bakgrunnen for at idrettsrådet ynskjer at samarbeidsavtalen skal reviderast, er den komande kommunesamanslåinga. Idrettsrådet ynskjer å verta inkluderte tidleg i denne prosessen for å sikra idretten i Radøy sine interesser inn i ein ny kommune, og har bede om at dette vert tatt inn i avtalen.

Radøy, Lindås og Meland kommunar svært ulike når det gjeld bygging og drift av idrettsanlegg. I Lindås kommune er dei største idrettsanlegga eigd av kommunen. I Meland og Radøy er derimot dei fleste større idrettsanlegga eigd og drifta av idrettslaga. Nivået på støtte til idrettslaga og anlegga er også svært ulike i dei tre kommunane. Dette er viktige problemstillingar inn mot kommunesamanslåinga, og rådmannen støttar difor idrettsrådet sitt ynskje om å få med i avtalen at idrettsrådet skal involverast i saker som gjeld idretten inn mot kommunesamanslåinga.

Utkastet til avtale som vert lagt fram er i all hovudsak lik eksisterande avtale. Foreslåtte endringar er markerte med gul skrift i utkastet til revidert samarbeidsavtale.

Rådmannen sitt framlegg til vedtak:

Radøy kommune er positiv til å underteikna revidert samarbeidsavtale med Radøy idrettsråd.
Ordføreren får fullmakt til å underteikna avtalen slik den ligg føre.

Vedlegg:

Samarbeidsavtale mellom Radøy kommune og Radøy idrettsråd

Stadfesta samarebeidsavtale (L)(173164)

Radøy kommune

Saksframlegg

| Saknr | Utval | Type | Dato |
|----------|-----------------------|------|------------|
| 069/2017 | Formannskapet i Radøy | PS | 09.11.2017 |

| Sakshandsamar | Arkivsaknr.: | Dokumentnr.: |
|-----------------|--------------|--------------|
| Sveinung Kvamme | 17/2116 | 17/13409 |

Innkjøpsavtale med Aufera AS

Saksopplysingar:

Bakgrunn

I kommunestyresak 047/2017 gjorde kommunestyret vedtak om at alle innkjøpsavtalar skal leggjast fram for politisk nivå før dei vert inngått. Rådmannen vurderer det slik at det ikkje er innhaldet i avtalen som skal leggjast fram for godkjenning, men at godkjenning gjeld det å inngå avtale.

Vurdering

Innkjøp i kommunal regi vert regulert av «Lov om offentlige anskaffelser» av 17.06.2016 og «Anskaffelsesforskriften» av 12.08.2016. Forskrifta gjeld for alle anskaffelsar med ein verdi av over kr 100.000. Radøy kommune er ein innkjøpar, og alle verdivurderingar må gjerast for kommunen samla, over ein periode på fire år.

Det har ei tid vore arbeid med ein ny avtale om vask og rens av institusjonstøy, matter mv. Rådmannen har vurdert det som ønskjeleg at arbeidet vert gjort av ei godkjent VTA-verksemd. Etter sonderingar i marknaden, har ein funne at det berre er Aufera AS på Radøy som oppfyller dette kravet i eit rimeleg nærområde i Hordaland. Informasjonen er henta inn frå Opplæringskontoret AMB Hordaland. Rådmannen har difor gått i direkte forhandling med Aufera AS om avtalevilkår.

Avtalen er no ferdig forhandla, og rådmannen ber om godkjenning til å inngå avtale.

Rådmannen sitt framlegg til vedtak:

Avtale om vask og rens av institusjonstøy mv. med Aufera AS vert inngått.

Radøy kommune

Saksframlegg

| Saknr | Utval | Type | Dato |
|----------|-----------------------|------|------------|
| 070/2017 | Formannskapet i Radøy | PS | 09.11.2017 |
| | Kommunestyret i Radøy | PS | |

| Sakshandsamar | Arkivsaknr.: | Dokumentnr.: |
|-----------------|--------------|--------------|
| Sveinung Kvamme | 17/1032 | 17/13423 |

Budsjett 2018 og økonomiplan 2018-21

Saksopplysingar:

Rådmannen legg med dette fram budsjett 2018 og økonomiplan 2018-21 til politisk handsaming.

Det vedlagde dokumentet, Budsjett 2018 - Rådmannen sitt framlegg, datert 1.11.2017 inneheld alle pålagde skjema og tekst iht fastsetjing av skattøyre, låneopptak mv.

I den grad den politiske handsaminga fører til endringar i budsjettala, vert det utarbeidd ny versjon med innarbeidd endringar. Mogelege tekstlege tilleggspunkt vert tekne inn i dokumentet etter politisk handsaming.

Rådmannen sitt framlegg til vedtak:

Budsjett 2018 og økonomiplan 2018-21 vert vedteke slik det går fram av vedlagde budsjettdokument dagsett 1.11.2017.

Vedlegg:

Budsjett 2018 rådmannen sitt framlegg

Budsjett 2018 - innspel frå råd for menneske med nedsett funksjonsevne

Innspel frå Eldrerådet til budsjett 2018

Radøy kommune

Saksframlegg

| Saknr | Utval | Type | Dato |
|----------|-----------------------|------|------------|
| 071/2017 | Formannskapet i Radøy | PS | 09.11.2017 |

| Sakshandsamar | Arkivsaknr.: | Dokumentnr.: |
|-------------------|--------------|--------------|
| Arthur Kleiveland | 17/2136 | 17/13483 |

Meldingar og referatsaker

Saksopplysingar:

Det vert lagt fram følgjande meldingar og referatsaker:

- Hordaland og Sogn og Fjordane blir Vestlandet – info frå Hordaland fylkeskommune
- Ordinært skjønstilskot 2018 – Fylkesmannen i Hordaland
- Nordhordland Revisjon IKS – møteutskrift 16. oktober 2017
- Søknad frå stiftinga Tjorehagen om kommunal støtte
- Stiftinga Tjorehagen – årsrekneskap 2016-2017
- Lovlegkontroll - Tildeling av midlar frå næringsfond - Fylkesmannen i Hordaland
- Fellesnemnda for Alver kommune - orientering
- Orientering frå rådmann og ordførar

Rådmannen sitt framlegg til vedtak:

Meldingar og referatsaker vert tekne til orientering

Vedlegg:

Hordaland og Sogn og Fjordane blir Vestlandet - info Hordaland fylkeskommune

Ordinært skjønstilskot 2018

Nordhordland Revisjon IKS_møteutskrift 16_okt_2017

Søknad støtte fra Radøy kommune - Tjorehagen

Søknad Tjorehagen_vedlegg- Årsrekneskap 2016 - 2017

Lovlegheitskontroll - Tildeling av midlar fra næringsfond_Fylkesmannen i Hordaland

